



831013

甲申忠佞紀事

一曰殉節之臣旌忠也守城禦賊斫死者則有王章投井而死者則有范景文投御河而死者則有金鉉衣冠坐堂上仰藥死者則有李邦華自縊死者則有倪元璐施邦曜許直吳甘來吳麟徵周鳳翔同妻縊死者則有汪偉同妾縊死者則有馬世竒同妻妾縊死者

判駝逸史

忠佞紀事

一

士册

則有劉理順同父子夫妻姑媳縊死者則有孟兆祥章明全家死者則有成此皆京職也其在外任而死者得三人焉曰朱之馮衛景瑗周遇吉而戚勛之中全家自焚者得四家焉曰劉皇親鞏駙馬王皇親惠安伯真可謂與國同休戚者矣

二曰遜迹之臣美明哲也君子不輕責人以死死亦誠難第能不投款不報名北跡緇黃



埋名樵牧庶幾有不忘故主之思焉其得十
一人焉曰汪惟效周亮工鄭三陽曾櫻曹鼎
臣宮偉繆施燦史夏隆王都蔣臣楊爾銘等
三曰受刑之臣誌辱也禮云士可殺不可辱
衣冠榜掠君子恥之最不可解者首得四相
焉生爲上柱國就不能拚一死意欲何爲其
夾而不死者方岳貢也夾而死者邱瑜魏藻
德陳演也其他若李遇知沈惟炳陳必謙衛

荆駝逸史

忠佞紀事

一一

允文楊昌祚林增志李士淳吳邦臣金之俊
吳泰來張忻張端陳純德馮恒登張鳴駿彭
登歷方以智宋之繩劉廷琮王某劉若宜鄒
逢吉朱芾煌秦汧潘同春李逢申吳履中朱
嶽謝于宣彭瑄龔懋熙張元輔劉中藻聶一
心衛貞固趙士錦沈自章吳寧昌申濟芳鄭
楚勛或夾而死或夾不死總之備極荼毒囚
虜爲伍辱至此極矣可報尙顏人世耶尤可

惜者楊元錫一人十三歲登科十四歲登甲
人以爲仙佛再世乃亦包羞忍恥至此至於
張家王業已罵賊不絕口矣鄉出要劄遽爾
回心爲烈不終君子惜之

四曰受職之臣誌污也讀吾朝之詩書服吾
朝之冠帶受吾朝之封廕旦一反顏竄名賊
籍醜面何施如何瑞徵教習庶吉士劉呂薛
所蘊皆祭酒其有願用金二萬求爲國子監

荆駝逸史

忠佞紀事

三

者韓四維侍郎三人葉初春刑部楊觀光禮
部梁兆揚兵部都御史一人高翔漢編修二
人楊廷鑑高邇儼陳名夏簡討二人周鍾朱
積鐘則執筆草詔者也照原官爲庶吉士者
四人劉餘謨何允文史可程王自超原係庶
吉士改選外任者十一人趙王森姚文然劉
肇國白允謙傅學禹趙穎張元錫梁清標或
克鞏李化麟李長祥隄魏學濂雖改外任仍

留京用爲戶部司務大理卿一人吳家周太
常丞一人項煜諫議二人光時亨裴希度吏
部郎中四人楊枝起文選郭萬象考功侯佐
驗封熊文舉稽勲驗馬寺一人宋學顯直指
一人龔鼎孳運使一人王孫蕙助教二人繆
沅錢位坤若柳寅東高來鳳耿章光孫襄方
允昌朱國壽許作梅程光貞周蘭郭充如琨
陳聯璧李春先吳道新徐有聲李逢申俱爲

荆駢逸史

忠愍紀事

四

部屬又蘇京戴明說孫承澤林銘球李際期

周壽期

壽期一作壽明

歸起光俱爲防禦使姜金允

張之奇劉世芳施鳳儀劉廷議顧芬俱選知

府湯有慶翁元益時敏徐敬時黃國琦呂兆

龍王顯董復黃昌允熊世懿劉有瀾傅振鐸

胡顯秦汧黃繼祖吳達張琦俱選爲知縣用

其他已拮選而不知何衙門者則有王永鰲

王正志郝晉趙京仕黨崇雅侯恂張應麟李

元鼎賀武盛其官之大小不同而總之皆事
僞朝爲僞官查得大明會典凡從逆諸臣父
母流三千里妻子沒入功臣家爲奴田產宅
屋皆沒入官立振乾綱大加天討是在新天
子矣

判駝逸史

忠俊紀事

五

申紀事終

甲申紀變實錄

京口草莽臣錢邦芭輯錄

崇禎甲申三月十七日賊兵圍城內外砲聲不絕外多內少外震而烈十八日大甬守城軍民皆無固志十九日辰時皇上手自撞鐘集百官無一至者少頃賊兵入彰義門皇上登煤山見賊勢昌熾知事不可爲遂入寧壽宮皇后遂自縊袁宮人亦自縊繩斷墮地皇

判駝逸史

紀變實錄

十一

上自以劍斷其頭時長公主年十五矣號泣在側皇上欲殺之手不能舉久之砍二刀悶絕於地皇上乃自縊二十日李賊入宮不見皇上遂出示有得我皇上者賞銀萬兩封伯爵又出示云凡文武官員俱於二十一日行朝見禮願回籍者聽其自便願順服者量才擢用如抗違不亦罪加大辟藏匿之家一并連坐遂得皇子於民間欲命之跪皇子怒曰

我豈爲若屈耶賊問汝父何在曰死於寧壽宮矣賊又問汝家何以失天下曰以用賊臣周延儒故爾賊笑曰汝也明白皇子又問曰可不速亡殺我賊曰汝無罪我豈妄殺皇子曰如聽我一言第一不可驚我祖宗陵寢第二速以禮殯葬父皇母后第三不可殺我百姓皇子又曰文武百官最無情義明日決來朝賀矣賊唯唯俱應至明日朝賀僞主者一

千三百餘人賊向之嘆曰此輩無義如此天下安得不亂于是始動殺僂之念二十二日忽見板門昇二屍送至魏國坊下皇上蓬頭跣足上下世白棉綳衣胸前書數行云朕不德以致失國羞着袞冕見祖宗於地下又傳聞宮中御案有遺詔云朕卽位十七年五經口寇日切憂懼不意任用匪人致有今日統大兵者在外當協民心以固國本慎之慎之

是日在京大小官員從東華門入朝拜賀御座上不見有人但見青衣小帽一人傳呼賀畢衆官請殯先帝見青衣人傳一硃批云帝禮葬王禮祭二皇子待以杞宋之禮衆官又求併以帝祭少頃青衣人傳語云准了殿上呼各首呼魏藻德三呼不應卽命速挈俄領以繩繫至命送刑官拷打衆官人物偉豐及知名者俱留用其素有貪吝而富實者俱發

刑官夾打索銀賊衆中有理刑官二人劉國公會都尉又有內官降賊者自宮中出皆云李賊雖爲首然總有二十餘人俱抗衡不相下凡事皆衆主謀也入宮之後集諸宮女美者每賊首分得二十人賊初入城不甚殺僇數日後肆屠戮奸淫擄掠無所不至矣諸降賊者妻妾俱不能免始怨悔欲逃賊兵入城者四十萬擄掠淫婦女甚虐安福胡同一夜

婦女死者三百七十餘人死難諸臣家眷賊兵絕不敢犯至於降賊受官者諸賊將審問長班如招稱本官藏匿金銀便卽鎖去拷打不休每賊將一人領長班五十名緝治官各之藏匿者長班一名每日限訪事二件名曰公刺北路凡受僞官府縣官遇賊兵過每先搜民間婦女俱應稍或不足卽以力背亂打本官苦不可言美者携去惡者棄下仍命本

荆駝逸史

紀變實錄

四

官留以待後來者秀才相見宋企郊叱曰朝賀大典安用若輩速歸讀書候新天子考試後棟用數日後果然考試首題天與之次題若大旱之望雲霓也李賊拘銀匠數千人凡擄掠金銀及贖輸者俱鑄成大磚以騾馬駝回陝西大約賊之意中欲在關西刻刻思歸故土故京城外土寇橫行李賊絕不去禁李賊宋軍師身長不滿三尺其形如鬼占驗甚

精相傳未破時占十八日大雨十九日辰時
破城若辰時不破卽日全軍俱返且待六年
後再來破之十九日辰時賊以二人乘雲梯
上城滿城紛紛逃竄寧遠總兵定西伯吳三
桂擁兵不至賊挾其父手書招之三桂得書
不發八拜謝父咬斷中指扯裂家書隨約王
永吉借清兵十萬以圖恢復是時梓宮殯東
長安門外凡從逆官往拜者賊亦不禁然至

判駝逸史

紀變實錄

五

者甚少有僧二人在傍誦經衆賊各肆擄掠
全無紀律李賊或禁之輒譁曰皇帝讓汝做
去金銀婦女亦不與我耶二十八日諸侯選
官見僞尙書宋企郊求選授衙門任事企郊
曰諸公職銜俱前朝所授新主另有一番規
模恐不能盡依舊例諸人力懇一體選授企
郊曰諸公何不解事新天子御極自當另用
一番人前已攷試不過衆人之心耳以予爲

汝諸人謀不如歸去爲上諸人既絕望于是以漸逃歸李賊以四千人守山海關故王永吳三桂斬殺殆盡餘者逃回朝官多懼下令四月十二日親征又傳李賊爲風雷震傷降賊朝官多彼震死孫傳庭以兵搗陝西賊巢殺戮幾盡清兵大入李賊屢戰屢敗後不知所終

判駝逸史

紀變實錄

六

甲申紀事

程正揆記

甲申予以璽丞奉詔南京湔除三月初六日
陛辭抵通廿四日至滄州內監高某重兵駐
防城守戒嚴次日五鼓傳太府宵遁兵皆烏
散予便服入城探之無市亦無人鄉紳家皆
摘去門額商賈爭以泥塞其閭至州署知州
羅爨長跪而號曰大事去矣十九日京外城

荆駢逸史

甲申紀事

上冊三

潰內城定不保內監旣夜半潛去今早有本
州大秀才王某某等七八人來強索州印去
云往迎順朝矣爨唯待死因與予撫背大哭
各珍重以別有滄州同年賈永廸訪之已沒
子四人皆丈夫感慨時事留棲止於滄予以
奉詔逗遛爲非禮特不可是夜遂行見南來
小船云德州以上皆順兵差船某官劫某官
擄舟子懼不前家人輩相視而啼至有投水

者子女凡七八人皆十歲以下男婦二十餘人痛哭不欲生予曰哭無益聞賊殺官不擄商若我在爾輩必死可擇四僕以家眷子女分託之詐爲客裝各覓小船前後載之可免於難我從此以一身亡汝輩不必問所向也凡簪珥器具悉毀之衣服艷色裂而鬻公服帶笏之類悉付舟工再命檢小做衣數件於易舟時各掛蓬桅間爲信以便識認是日未舉

荆駐逸史

甲申紀事

一一

火日脯方進粥數匙少假寐四更卽起予潛出呼馬夫程貴登岸詭云探賊遂偕亡唯攜碎銀二兩錢五百文是日匿古廟中嗣後日行或三十里四五十里一日至德州詢知已有新令查究逃官借端搜索若近關廂或投旅店便執報官予自此但野宿連日步行足跛村落中又不得飲食一日至茶棚因憊不能興僧以粥二具享予夜宿棚下次日行呈

許有鄉人負米歸者老病不勝任予命貴代
肩行廿里鄉人授予二麵餅食之有起色晚
至四女寺坐樹陰下忽聞舟中有楚音者訊
之乃年家王士譽新陞湖州守相見驚異問
計將安出予告以補旋明官事君宜從陸兼
程王首肯贈路費十金予止索錢一串遂別
仍卧樹下次日至鄭家口聚族數十戶環以
土垣止一穴高三尺許予入焉有老者方巾

荆駝逸史

甲申紀事

三

布袍倚杖見予寔態問行乞乎予曰謂之乞
亦可老人曰當是讀書人不遇時者引入館
坐乃是學究先生授童子數輩案頭見孤臣
孽子章刻文一首乃予攜行稿爲之感慨老
人曰知文耶予指案牘此少時所作老人驚
起曰卽程君矣予曰非也程與予同里人蓋
攘以成名耳老人云做地有蘓氏兄弟文學
好客當報之命童子疾馳去少頃蘇至遂邀

去庄所庄形若設險備寇者就其外館執禮甚恭予亦不諱姓字具饌予與僕此日方飽肉食蘇偉丈夫彷彿豪俠氣云俗多盜有好充十數輩夜無寧宇乘亂搶劫勢愈橫鄉村之深溝高壘爲若輩設也惟做庄能與之敵不敢犯因屈指某日被圍某日打仗若干次矣並出所備火器鎗棒庄丁之勇猛肥長十餘人立堦下云此善射此善拳此能飛戟刺

荆駝逸史

甲申紀事

四

賊於陣此能躍數丈墻獲賊於野口若不盡其技而墻下人眉目手足各躍躍欲動以示可用予大爲壯之謂蘓曰君殆韓范之流亞也蘇謝不敏予宿其家夜分談不輟叙及患難眷屬流離蘇矍然曰某雖不才願爲知己者用君旣以王命不可留當速去作手字數行付某俟實眷至當留與老母同住君去後但有北行人問鄭庄在君室無恙若蘇氏宅

化爲平地某闔家百餘口並君室總付一燼
勿貽君羞余感其言拜而謝曰右義俠不足
道也敬受教蘇兄弟二人長之祥次之中武
城縣庠生次日至故城傳言僞官布滿州邑
盤劫行人多遭毒手不敢前夜靜月明始發
三更許黑林中見一人牽驢出因隨之問何
往答曰聞上有糧船數十號以築壩不可前
南客覓車騎起旱予往售此驢耳先是撫寧

荆駝逸史

甲申紀事

五

侯宋國弼忻城伯趙之龍先帝特旨召對命
朱總督漕務趙守禦南京各賜御監良馬百
匹朱已呈趨往趙從潞河發意必忻城也因
假其驢乘之疾馳十里許抵舟所天明矣舟
大小約百餘亘一二里人馬雜踏男女束裝
趨者卧者病而虛仰而號者多無生氣予無
從見忻城賣驢人亦不知所向又有車七八
十輛空載相半推車人飲食若流予就買米

糕啖之因問車夫裝載何處曰至宿遷途中無虞耶曰但得錢耳豈管他久之見一舟前架大砲一門旁有壯丁數人軍裝者指揮數四乃趙所居也請後艙趙與其婿及撫寧子客三人偕見予但哽咽言株守無了日臨關築壩不能渡唯有車行一策予曰殆非萬全能依愚見不獨免難且有奇功趙喜趣言之予曰賜馬尙全否曰然兵丁幾何曰百五十

荆駝逸史

甲申紀事

六

人各船水手幾何曰近千人予曰賊大頭目皆往北京唯濟南有鎮守皆山東新降將臨清偽官防禦使一人知州一人守備二人子可與我三十騎今晚馳臨待五更奪門入擒獲偽官若炮響事濟矣子卽帶七十騎至招撫百姓爲恢復計然後僱船抵臨以千人擐數丈之壩頃刻可通兼程二晝夜達濟寧下水再索小舟輕便者載家屬先行我與君號

召山東義勇可成一旅城守以待淮泗史道
陵馬瑤草聲息相應事有可圖况君奉勅誰
敢不從世臣休戚在此一舉豈不勝鼠竄萬
倍耶趙吐舌曰此等事子饒爲之弟無此胆
蓋趙本純袴不知兵予作色罵曰真懦夫也
遂告別後車行數日卽遇賊婦女玉帛盡驅
入濟南兵馬俱降趙僅以身逃傷哉河上無
安身處臨清又不可在反故城已暮詣野舟

荆駝逸史

甲申紀事

七

宿晨興有北來船予問水路安謐否客言前
數日頗寧後有賊兵截河搜檢親見執陳侍

郎

益吾

家眷央拷垂死後跳入水又遍索程翰

林

訓子舊術

家眷想亦遇害矣予聞膽裂沿河探

信行廿里許忽聞吼聲若雷林木爲動望之

見西北角白雲崛起寬廣百丈若天際外五

老竒峯層巒岳峙歷歷可數從東南來如步

漸近悉成紅紫光若五彩琉璃屏障中有形

似神鳥戈戟狀又近變黑氣橫蔽天日俱隱
砂炮隨之不能開目予伏土坡下白晝頓晦
耳邊但聞鉛鐸聲兩雷雷雹悉下少頃過盡
河舟蓬桅及居房瓦木皆爲一空云有飛墮
數十里外又聞一婦人吹過河小童吹至十
二里始定者蓋風異也或者殺氣自北而南
耳行二日見船有敝衣乃向所識爲記者泊
對岸命貴招之果然因人舟止見家屬之半

荆駢逸史

甲申紀事

八

僕具述分別時止覓二小舟載之行至老君
堂忽遇三四賊舟中人悉付水逃唯妾三人
匿板下二子一女坐艙中賊登舟便執舟婦
問聖翰林何在婦對不知以刃加頸斫欲之
婦曰豈有攬官載無人口行李者乎賊周視
無所有覓火吃烟方去蓋賊拷問予親戚之
僕得實而來向使舉手啟板或兒啼叫卽無
煦類幸而說天平人歎當夜得脫卽星馳至

此彼一舟不知去向予且喜得全半屬是夜宿蓬上舟人私語其婦意欲首官希給賞婦遽止之曰胡爲送人一家性命不可壞心夫語塞予聞卽捨舟潛行至德州境訪向施茶僧舍僧具言德僞知州暴虐非人類鄉紳富戶皆追賍助餉視其家貲干欲得七不應者輒截人手指殆盡又割其筋閉門逃匿者以砲打之大家立燼四散兵丁於要路恣行擄

判駝逸史

甲申紀事

九

掠君行恐不能免我當着一弟子同伴謬稱爲貧僧親故予頗得全後德州義兵起執僞州審之竟不識一字口供原係紅旗手押解山西生員赴本州任生員以盤費百兩相贈遂代往焉德人嚮而食之亦奇也至泊頭又遇家眷後船乃復至滄投賈氏賴賈作居停權息旦夕雖有僞官頗與地方相安後有成武將軍白駒以督漕突至馬步千餘傳令取

娼婦百口防禦大索不滿百以良家女及新寡充數又令夜不收向舊延撫王梅和公弼家索歌妓王無以應將軍大怒凌辱不堪因出示軍民有被鄉宦害詐告發意蓋在王也於是羣小以報復詐嚇爲事滄城鼎沸賈大卽會以馬易同學生土屋一間同學素無賴來語大卽云汝使鄉宦執以羸馬奪我華居宜補善價否則斫之將軍賈兄弟弗應無賴

荆駝逸史

甲申紀事

十

子忿然曰汝藏匿明官程某罪當死吾往首遂攘袂去賈兄弟大恐請予匿地窟中予不可欲行乃索方中色衣以往賈曰亡命奚用此子曰仇人知變販已久必不向衣冠中物色所謂及客爲主者也遂出城四望無路因思古語云避暑向湯鑊裏避難亦須向兵火中於是詣將軍營所會審王巡撫見將軍髯而長赤脚踏胡床上王青

此有關文

賂其旗鼓方

得釋將軍五更拔營起予復歸賈相見如再生復與賈計曰出首人雖不及行然隙已成矣偽官尙在終非了局不若挺身出往拜偽官豈有既出見而尙稱逃官者乎賈稱善防禦鹽運知州俱山西人因持刺往防禦迎於館訝曰初聞有求多先生者誤程爲陳今見尊刺乃師淑已久房稿熟讀尙記憶可誦幾

荆駝逸史

甲申紀事

十一

得罪意若恨相見晚又叙官此實非本意語多感愴旋答拜州與鹽運如之滄人競傳予與防禦爲素交身雖苟安念世受國恩身蒙主眷不能殉難又每見廟額碑石皆削去崇禎字恨痛骨髓有山東叅將王禎游擊劉孔和者將馬步兵五六百人赴京投順遇滄禎淄陽人曾以報讐殺人於市自詣官請死成獄同年王斥爲淄令予告以故釋之孔和乃

長山相公次子有通家誼因見予予欲借彼以備不時因謂二將曰聞賊破京後文武皆幽囚追餉多畢命者此行不異螿之投火罍若留此進退裕如劉然之遂住滄十里外又紹興人陳捷原領兵二百人守備滄降賊負義氣饒勇畧每與予談時事輒作不平語予一日往說陳曰聞平西伯入關闖王將各路兵俱調赴永平乘隙南走可還故土君意如何

判駝逸史

甲申紀事

十一

何陳曰某志已久不敢告君昨遣人覓得海船旬日可到淮備車二輛爲君家眷計君可詭言入京走天津間道旦夕可揚帆也予曰雖然與其托命風波徒飽魚腹何若做一番轟烈事業傳名萬古陳曰予武夫不知大計唯命予曰我從臨清來沿河一帶所設官皆書生強逼來者無能爲守兵亦烏合衆今滄州僞官不過五六人兵皆君標下我兩家親

信勇力之士可得二十人又有王劉二將爲
聲應一舉擒賊出其不意可以成功勤王而
北豈非第一義舉乎陳忻然受教遂與訂盟
生員王立賢者固所爲大秀才其一也與予
交每誇齋印迎降事爲首功予造其庭王曰
北行何時予曰且欲南何暇北哉王驚問再
三予聶聶不語曰與君且閑步從容言之因
執手出城與陳寓相近坐諸野爲班荆語問

荆駝逸史

甲申紀事

三

至曰知平西信乎曰知彼安能敵順朝哉余
曰否否闖已大敗平西擁護太子南征不日
到滄駐兵已有票下陳守備查各官職名王
愕然不能語予曰何不往守脩處看票耶遂
拉至陳寓予謬語曰昨所問王立賢卽此兄
挾印投賊不止一人若查報平西望爲保全
陳會意佯怒王遂跪乞饒命云俟吳平西至
情願縛僞官以獻予曰君起當告汝已有太

子密旨擒各處僞官大兵卽臨城矣拏賊時
汝大呼奉有詔旨殺賊不殺民百姓各自生
理不得驚恐卽是汝功否則先斬汝首王諾
不敢違因以二丁守之予與捷私約明日初
一日屬官例入道署叅見帶心腹家丁十人
當堂擒之卽請龍亭至察院開詔可也議定
返賈宅遣家人數輩出助陳又預書告示二
張一曉諭勸賊安民不許驚動一傳文武軍

荆駢逸史

甲申紀事

古

民人等俱易孝服詣龍亭爲先皇帝皇后發
喪頒詔是夜賈氏伯仲集賓客談笑達旦忽
報道前鼓噪矣又報城門俱閉矣座客悉奔
少頃王立賢大呼排闥入曰賊已擒矣請予
行時城內喧聲四起隨予者若蜂蟻街市填
塞或從屋上行洶洶然至道門諸僞官已鎖
械揭之竿予出補中二示懸之人心始定入
道署卽檄王禎劉孔和各帶馬兵五十人

城餘俱扎營關外聽令鄉紳舉貢十餘人揖
於後堂予曰今日之事實屬義舉諸君有異
議乎衆齊聲稱快曰誓無二予曰此祖宗之
靈社稷之福諸君之大忠大孝也且退俟龍
亭至當編衣旅進如朝禮行禮畢方再議守
禦衆諾而出是日設御座於堂上諸生喝文
武官進士舉貢監生員等里老庶民進分東
西班立兩墀下行五拜三叩頭禮余服衰經

立御座東首展所頒漸除詔書以璽向外意
擬詔辭開讀曰具官臣某奉皇帝遺詔太子
勅諭聞賊李自成悖天行逆凌逼君后毒虐
臣民宗社震驚神人忿怒平西伯吳三桂奮
勇大戰賊覆全軍乘勝追奔行殲餘孽茲勅
爾尙寶司卿程正揆以某銜統領王禎等各
路兵馬前來會勦仍招練鄉勇恢復畿輔擒
斬僞官戮力勤王以奏膚凱鄉官士庶咸赦

除既往之罪赴義者錄從逆者誅務在靖讎
安民勿縱勿擾欽哉特諭宣畢下皆亦行禮
如前呼萬歲者三羣臣亦三呼弔舉哀大哭
羣臣亦大哭自署以內及街市盡滄之人皆
伏地哭聲徹雲表真可寒天地泣鬼神矣嗚
呼痛哉此五月初一日事隨命王禎等客兵
守關各衙役守城舊州守羅熿仍理州事封
長蘆運司庫並追繳僞印訖弔歸賈宅以王

荆駝逸史

甲申紀事

夫

立賢等四人各付硃檄分往與濟東光清縣
獻縣四處諭彼處士民書吏卽擒僞官解軍
前者以功論如隱匿縱逃發兵屠勦是夜官
皆就縛初二晨俱逮至滄初六日聞賊大敗
焚宮殿西遁傳太子入平西營又數日忍聞
攝政王劒頭告示人心復驚懼久之旋得免
荆令予以旣經鼎革戰守靡施且詔命在身
當圖竣事欲行滄人不強留蓋予在滄城守

匝月未嘗派一餉戮一人動一官庫兵民頗
德之予於廿八日啟行抵臨清與眷屬會先
是老君堂之厄踉蹌南竄賊遍河上舟子尙
未忘情時側目焉至臨清壩塞不能行二更
時家人偶往岸忽舟子大呼曰將軍令凡婦
人擯入官汝輩速逃命悉驅入水幾溺遂搖
舟去子女不能携啼不休恐爲賊覺皆棄置
亂石中婦輩往土墻內匿僕反失舟大驚無

荆駢逸史

甲申紀事

七

所措徐聞啼哭聲始得所在借寓舊交徽人
范監生家予至臨亦假館於此癸未進士凌
駟以起義駐臨聞予至如獲右臂謂曰西北
已矣東南尙可爲清源乃漕運咽喉有標兵
勇悍可用予當此一面君當往濟南招集諸
郡義丁可成一旅我兩人左右手不能脫然
付理亂於不聞也余曰度力識時河以北非
我有也一木之支徒費心力不若渡河議大

事尙有萬全旬日後募馬兵百二十人步兵
八十人南發七月過淮上八月至南京仍宣
詔旨湔除訖具疏聞滄州事繳僞印僞符共
十七件王禎等下部優叙唯劉孔和與劉澤
清通譜交善澤清招飲夜醉論詩不合遂被
殺惜哉

野史氏鄒漪曰端伯先生以奉詔聞曹而
倡復仇義舉斬十八員從逆賊首莫四十

荆駝逸史

甲申紀事

六

日抱恫皇靈忠孝慷慨固不待言矣而予
讀其滄洲紀事纚七千言層折流連情事
如畫於其餐風宿露見先生之履險全身
於其易服分舟見先生之知幾通變於其
用賊攻賊見先生之智深勇沉於其舍北
渡南見先生之識時觀變然則先生殆文
武全才上馬下馬賦詩而非可僅以繡虎
雕龍之日也至若舟人之婦一言而弭殺

機蘇氏之子傾蓋而多俠氣尤爲可嘉達
過忻城輩萬萬矣

判駢逸史

甲申紀事

九

北使紀畧

陳洪範撰

闖寇肆虐逼犯北京先帝賓天宗社淪喪洪
範世愛國恩邇年廢居海濱驚聞異變泣憤
同仇徒跣至鎮江史閣壹招同過江議安將
士忍接禮部劄付奉旨召對始知爲吳三桂
借破賊顧大宗伯薦往北使蒙皇上回舍
譴對國事多艱惟命所之義二敢辭但使人

荆駝逸史

北使紀畧

一

主册

甚重非武臣可以專任必得文同往部議
兵部侍郎左懋第太僕寺卿馬紹倫皆行以
銀十萬兩金一千兩緞絹一萬疋爲酬之

儀因以祭告祖陵奠安先帝后封吳三桂爲
薊國公本鎮恐情甚狡事難遁度竝中機

宜必奉廟筭可以奉行其疏上請復蒙皇上
召對親切羣臣廷議僉同七月十八日銀幣

前齊殆得凋舟行至瓜儀原請借用各鎮馬

騾鮮有心者箱鞞繁重苦不能前至清江浦
僱騾市馬不足馱運分留緞絹從河汎舟劉
要平田淮撫各發兵二百餘名護送十五日
渡黃河廿一日至宿遷忽接使唐起龍等
六人賫攝政王書與本鎮事涉嫌疑不敢
遠進當卽具疏奏聞念已奉使在道難以中
阻與左馬二使酌議前行廿五日至馬蘭屯
爲沂勝之衝時值土寇劫屯聞本鎮至半夜

荆駮逸史

北使紀畧

一一

道去次日委標下流擊孫國柱執本鎮與九
部院諭脾招撫仍留國柱在本屯團練鄉勇
卽有土寇千人就撫爲兵八寨俱散一方獲
全九月初一至望塚貢家樓遇土寇十人劫
馱扞仗護行將士追殺數十人寇退箱鞞無
急初五日至濟寧州官不許近城棲宿放
炮吶喊有欲出打仗狀夜宿五里舖次次晨
移駐二十里舖以待水運緞幣四日不至差

參將王茂才沿河催運自渡河來村落凋殘
巷無居人將士裹糧露宿藹寧以土民爲
用概不納兵初九日將借護兵將發之南面
沿途另僱土著鄉兵護行至汝土縣 官總
河楊方興統兵相遇本鎮告以通好之意彼
嫚言謀國要看大勢我國兵強如要和好須
多運漕糧來我們好說話只是爾南官要我
攝政王早收一統之業耳本鎮對以逆闖

荆駢逸史

北使紀畧

三二

未滅正當南北同心降官說話如何輕聽得
十五日晚臨清有舊錦衣駱養性 用爲天
津督撫遣兵來迎十八日至德州有 官巡
撫山東方大猷告示云奉 攝政王令旨陳
洪範經過地方有司不必敬他着自備盤費
陳洪範左懋第馬紹愉止許百人進京朝見
其餘俱留置靜海鄭澤溥所帶多人俱許入
京等語味其語意目中已無使命次早傳

示之傍有匿名一示云我乃俯倭而循汝有正立而面原非不合而行何怪見賢而媢四語殊可駭異疑爲地方無賴借端中傷使臣也及有報稱目擊誰寫貼者惟揭示存照而已復聞官知州將匿名示句抄報至北攝政王合逆輔馮銓解說此語乃是罵王王益滋不悅矣至滄州本鎮與左部院商確驕且媢相見之禮如何若執不見當日面

荆駢逸史

北使紀畧

四

承召對天語丁寧恐無以通好濟國事因集馬太僕梅主事各參謀其議僉云時勢異殊國濟國事不妨稍從委曲再四躊躇未協一次日左部院出首輔主議廷臣覆疏二通以示本鎮始知閣議申以不屈膝爲辱命尊天朝體議論乃定因悉議中以關外旣脫與之許歲幣不得過十萬覆疏中有酬而非款等語此由閣議時第知吳三桂借名逐寇

不知 踞都僭號猖獗如此諒難受我戎索
使臣惟有不屈其矢矣廿六日駱養性親到
靜海縣將三使臣所帶官丁止許百人進京
餘盡安置靜海古寺中以夷官守之養性雖
奉 旨語言之際似尙不忘故國 謀者偵
知以報 攝政王怒疑養性削職逮問且京
城內外訪察甚嚴有南人潛通消息者輒執
以聞陷北諸臣咸杜門禁舌不敢接見南人

荆駝逸史

北使紀畧

五

而甘心降 者惟絕通好殺使臣下江南以
取容悅山東僭踞皆王永鰲方大猷爲政聞
其屢疏極言不可和狀嗣王永鰲爲其裨將
縛之轅門羣唾其面爭鬻割之足以招降
之報廿九日至河西務聞 小汗入都擇十
月初一日僭位不便遽前差官王廷翰主員
王言假以副將聯名帖送內院馮銓見帖寫
侍生厲聲曰入國問禁何無 攝政王啟輒

敢持帖來見我王言曰夫使奉本朝皇帝之命致謝 清朝大使行過濟寧已草一啟欲先達 攝政王及抵德州見有不必敬他之說因此中輟今差官此來正是問禁馮銓語塞而厲稍平徐曰不收汝帖可即進京來見初五日至張家灣因貽 攝政王啟大意言爲國以禮三使奉御書禮幣而至禮宜遣官郊迎豈有呼之即人之禮後草一書與內院

荆駝逸史

北使紀畧

六

諸臣王言至內院兩見洪承疇似有不安之色含涕欲墮謝陞時而 帟時而南冠默然 伍况馮銓則惟其所言岸然自志 內院首剛陵榜什問何以不逕進來王言告以御書不可輕褻若不差官去迎使臣寧死不敢前進初十日 差禮部韃官又奇庫迎至張家灣祖澤溥差原同叅將辛自修二人至灣說

攝政王見啟意頗善其父祖大壽傳言少

有機會無不効力暗遣人相聞三桂三桂傳言 清朝法令甚嚴恐致嫌疑不敢出見令所親來致意終身不忍一矢相加遣三桂旋西出勦賊十二日鼓吹前導捧御書從正陽門入城使臣隨之左部院素服素帷 將使臣及官兵人等送至鴻臚寺居住 欲以御書送至禮部捧書者却足不敢前時已天晚因亦迎入寺中關防甚嚴內外不許舉火俱

傳送官丁飢寒殊苦十三日有夷官禮部數人至寺問南來諸公有何事至我國三使應之曰我朝新天子問貴國借兵破賊復爲先帝發喪成服今我等賚御書銀幣前來致謝夷官云有書可付吾們應之曰御書禮宜送入貴朝不宜輕投爾部夷官云凡進貢文書俱到禮部轉啟應之曰天朝御書何得以他國文書比夷官云說是御書吾們也不收

罷作色而去 以謝禮爲貢以天朝御書司
於他國貢文以故御書不敢輕與十四日夷
官剛陵榜什率十餘人俱夷服佩刀直登寺
堂剛陵踞椅上坐諸夷坐他右毡上通事指
他左氈曰你們坐此左部院正顏曰我們中
國人不比爾們坐地慣快取椅來遂取椅三
與剛陵相對而坐夷通事車令卽剛陵之弟
其人狡黠舌辨通夷夏語夷曰我國發兵爲

荆駝逸史

北使紀畧

八

你們破賊報仇江南不發一兵突立皇帝這
是何說三人曰今上乃神宗皇帝嫡孫夙有
聖德先帝旣喪倫序相應立之誰曰不宜夷
曰崇禎帝可有遺詔否三人曰先帝變出不
測安有遺詔南都聞先帝之變會今上至淮
東與人歸臣民擁戴告立於高皇帝之廟安
事遺詔夸曰崇禎帝死時你南京臣子不來
救援今日忽立新皇帝應之曰北京失中事

出不測南北地隔三千餘里諸臣聞變整練
兵馬正欲北來勦賊傳聞貴國已發兵逐賊
以故不便前來恐疑與貴黑爲敵特令我等
來謝相約殺賊耳夷曰你們向在何處今日
却來多話左曰先帝遭變時我正在上江催
兵陳總兵馬太僕尙在林下夷曰汝催兵曾
殺得流賊否左曰我是催兵勦張看恩闖賊
也未曾敢犯上江夷曰汝服孝段受是忠臣

判駝逸史

北使紀畧

九

王本鎮應之曰左部院是母喪有是國服夷
曰毋多言我們已發大兵下江南左曰江南
尙大兵馬甚多莫便小覷了夷聞江南尙大
之言覺有不悅本鎮應之曰我等原爲攝
政王發兵破賊又爲先帝發喪成服皇帝命
我等賫御書銀幣數千里遠來原是通好致
謝何得以兵勢恐嚇果要用兵豈能阻你但
以禮來反以兵往不是攝政王起初發兵

破賊之 况江南水鄉胡騎能保其必勝乎
剛陵不答徑起而出十五日內院夷官率戶
部夷官來收銀幣對之曰銀幣是送你們的
正該收去將銀鞘十萬金一千兩允付蟒緞
二千六百疋餘緞絹尙在後運也私計吳三
桂既不出拜詔則萬金可以無與 見十萬
外尙有餘鞘輒起攘奪告之曰銀一萬兩緞
二千疋是賞吳三桂的既到此地你們亦收

刑駢逸史

北使紀略

十

去轉付諸 撫掌踊躍負馱而去目擊 情

狡悍事勢難爲密修寸楮令都司車鎮遠踰
垣而出馳報史馬二輔早飭備禦嗣聞西寇
勢急連日入王子領兵出彰義門往西勦賊
過此數日封鎖寺門查無消息令人密探聞
攝政王問內院諸人南來使臣如何處他

主王子曰殺了他罷 攝政搖手馮銓曰刺
了他髮拘留在此 攝政不答洪承疇曰爾

國相爭不斬來使難爲他們下次無人敢夾
了攝政曰老洪言是遂有放回之意矣二
十日車令送祖澤甫回來叅將辛自修姜琦
等八人至寺稱祖錦衣他父親留他不去了
同來官丁送在這邊同回南去辛自修言祖
錦衣十六日被逼令剃頭痛哭一日夜自
言三命同來圖成好回南今爲韃子所以至
死不忘國家等語二十六日剛陵至寺原你

判駝逸史

北使紀畧

十一

們明早卽行我已遣兵押送至濟寧就去知
爾江南我要發兵南來三使云奉命而來一
爲致謝貴國一爲祭告陵寢一爲議葬先帝
尙要往昌平祭告夷曰我朝已替你們哭過
了祭過了葬過了你們哭甚麼祭甚麼葬甚
麼先帝話時賊來不發兵先帝死後擁兵不
討賊先帝不受你們江南不忠之臣的祭本
鎮應之曰果不容我們改葬願留銀二千兩

頗貴國委官督江如何夷曰吾國儘有錢糧
不須你們已葬了不必改葬出僞椽一通當
堂朗讀三使坐而聽之隨粘寺壁大約以不
救援先帝爲罪一擅立皇帝爲罪二各鎮擁
兵虐民爲罪三旦夕發兵討罪等語左曰今
上賢序俱應何爲擅立夷曰前已說過了不
有再言本鎮曰原爲講好而來今竟講不得
好耶夷曰來講河上可講江上可講隨地可

兩駝逸史

北便紀畧

十一

詩本鎮曰流賊在西猖獗未滅貴國又發兵
而南恐非貴國之利夷曰你們去不要管吾
二十七日早夷官二帶兵三百立促出京督
押隨營安歇不許一人前後一人近語二十
九日至河西務仰望諸陵近在咫尺不得一
謁祭告哀痛不禁卽在河西務整備祭品設
位遙祭文武將士皆痛哭失聲初一日至天
津過後運緞絹有不差戶部主事一員押之

而北初四日行過滄州十里忽見夷官車令帶兵四五十騎追左馬二使復回北京木鎮曰三人同來同歸奈何復留二人夷官曰留二位暫當住住你可速回南去傳報報我大兵就來夷兵逼二使而北擁本鎮南而不許叙別左部院惟於馬首曰我以身許國不得顧家致意我朝當事諸公速防河防江本鎮此時同出獨歸肝腸欲裂矣或傳使王之

荆駝逸史

北使紀畧

十三

佐魏之屏等三人使南王之佐留之不回初一日魏之屏北歸至京有他言故來追去總之夷狄豺狼變幻莫測也十五日行至濟寧途遇王之佐因託其善爲我辭早還二使十六日兵押過濟寧二十里而回途中知宿遷之失急從徐州渡聞發兵三股北來及各處調合諸營約有數萬暫在濟寧養馬便欲南犯又聞調取麗丹數千從海而南防河

防江戰守之具所當急爲有備者也洪範勞
苦脩嘗奉使無效自維衰朽稍免斧鉞決計
乞閒惟是往返情事逐日筆記一字不敢虛
僞其諸 至寺媢語尙多難以詳述姑記大
畧如此聽高明垂鑒焉謹記

荆駝逸史

北使紀畧

十四

北使紀畧終

